

新遊記彙刊續編卷之三十二

貴州遊記

黔中遊記

查旭

族伯某公。戊戌成進士。籤分貴州某縣。宣統間過道班。供職貴州省垣。其時我年未弱冠。雄心頗壯。拜別堂上。隻身一人。撲被一肩。遠離鄉井。溯江而上。至漢口。渡洞庭湖。到長沙。復至常德府。改乘民船上行。由桃源過穿石界石至青浪灘。河中亂石稜稜。雄惡萬狀。山水澎湃。水與石相激。白浪滔天。水花四濺。船至此間。須臨時僱繹夫十餘名背行。船方可上。駛搭客均起岸。沿山步行。以輕載重。見前面同來一船。撞石而碎。前車之鑒。不寒而慄。山坡上設有市。酒帘高掛。岩上有漢馬援將軍廟。在船未解纜以前。舟子虔誠至廟中焚香禱祝。過此灘後。同船互相稱慶。食肉飲酒爲賀。山高月小。大有樂趣。過辰州洪江沅江等。到銅仁府。船至此止矣。非旱行

不可。其時攝府篆者與族伯同年。余以世交往拜。接見云。上行更險。明日有省差。請同行。可無慮。改乘筭輿。所行均山。山路崎嶇。山谷中間有瘴氣。觸之即染重病。每日祇行六十里。夜宿山村。奇獸怪聲。時振耳鼓。去國懷鄉之思。油然而生。余因此淚涔涔下矣。然大丈夫不可作兒女狀。心又一壯。跋山涉水。行程四千餘里。期以四十餘日。入圖雲關。而至牂牁之境。考入該省法政學堂。兼提學使署一差。復考入郵政總局。爲中文供事。黔中風景最佳。環城皆山。城南有南明河。有石梁可通。橋上有一亭。題一聯曰。水從碧玉環中出。人在蓮花瓣裏行。橋下水清石見。遊魚可數。過此卽翠微閣。甲秀樓等。樓前環以石欄。欄中將軍鐵柱。高出雲表。北岸有水口寺。孔明寺。可供游眺。城東有東山。山高萬仞。中有蘭若。浙人某題壁中。有云。仰首天尺五。俯視萬峯低。句。又有螺絲山。山中王陽明先生祠在焉。內供石刊先生神像。四壁嵌先生所書碑帖甚多。窗外有梅花數十株。祠前蒼

松若萬鱗。翠竹如鳳尾。當日先生在龍場及此兩處講學。貴州文學從此昌盛云。公餘之暇。約二三知己。煮茗祠中。徘徊不忍去。城東有江南會館。館有二。一在北城。因江蘇安徽兩省合建。名曰江南會館。中供范朱兩先儒栗主。園中樓台亭榭。池沼游魚。游目騁懷。大有鐵板銅琶高唱大江東去之概。城西北有黔靈山。山冠黔中。故得名黔。中因交通不便。風氣閉塞。人民迷信甚深。家設天地君親師位。漢時其地本苗人所居。今成江西殖民地矣。苗人風俗頗有記載之處。苗人分青苗花苗白苗等。余在省垣購得百苗圖。奇奇怪怪。亦頗可觀。苗人男則束髮於頂。衣朱青色。大袖掛袴。女子束髮亦同。雙耳穿以巨洞。大如一寸徑圓。垂以銀環。衣朱青色。反襟衫。兩袖及胸際。以紅綠絲線挑刺成花。跣足不履。不穿袴。以青布縛兩腿。外加以裙。苗女有錢者。以銀爲項圈。重約半斤。裙下飾以無數銀鈴。苗族不通文字言語。另設土司管轄之。所有田地房產交涉訟事。各有判就。

木版一方。臨時刷用。呈報土司審理之。苗族婚姻尙自由。每年四月八日。遠近數百里。未婚男女。均到龍場聚會。男吹蘆笙。女唱以歌。如相互愛。即可成爲夫婦。成婚時頗野蠻。新郎非多飲酒不可。否則以對穿牛角塞新郎口中。傾倒米酒若干斤。苗人好飲酒。故酬神更可笑。神有大小之別。請大神殺雞祭之。贛人在黔。奸詐百出。苗人避人之說。請小神殺雞祭之。贛人在黔。奸詐百出。苗人避人山中。以木寨自衛。依山作屋。屋以兩層。上居以人。下層六畜棲止。苗人男女共同工作。頗勤儉。出入三五一羣。各帶刀槍。或短棍。腰間懸著連一內貯碎銀二三兩。或束青紮數百文。背後插戲子一把。路中有苗人設小市。漢人每有不敢往購其食物。恐中蠱云。余在某寨購酒釀一盃。食之甚美。蠱之製造。每年端陽日正午。捕五毒百蟲。貯一器皿內。以其互相嚙食後。存其一者。卽制死之。研成細末。暗入食物中。人食卽斃。尙有一種神蠱。卽家人父子。亦行毒斃。均爲之蠱。苗人間有與漢人結婚。

者。貴州省城。道路不平。俗稱天無三日晴。地無三里平。人無三兩銀。可見該省之苦。應用各物。價較蘇皖三倍以上。城內會館。各省皆有。常有唱戲。其中皆四川調。頗難解索。新春與同學等設春燈於東城某花園。記有一謎。以○射古人名一。懸彩甚重。未有中者。後宣布（即費無極）同人等均以想入非非頗滿意。至是年九月間。貴州反正。都督府成立。清吏逃走一空。余亦適回原籍。遊記告終。

新遊記彙刊續編卷之三十二終

新遊記彙刊續編 卷之三十二 貴州 黔中遊記

